

坤輿典

坤輿典第十二卷

石部彙考六

明李時珍本草綱目 鑒石釋名

李時珍曰鑒義不解許氏說文云鑒毒石也西山經云臯塗之山有白石其名曰鑒可以毒鼠郭璞注云鼠食則死蠹食而肥則鼠鄉之意以此

集解

別錄曰鑒石生漢中山谷及少室采無時

李當之曰或生少室或生魏興十二月采

陶弘

景曰今蜀漢亦有而好者出南康南野溪及彭城界中汶陽縣南塹又湖東新寧及零陵皆有白鑒石能柔金以黃泥包炭火燒之一日一夕則解可用丹房及黃白術多用之

蘇恭曰此石能拒

久燒但解散不可脫其堅今市人乃取潔白理石當之燒即爲灰也今漢川武當西遼坂名鑒石谷卽是真出處少室有粒細理不如漢中者

蘇頌曰今梁州階州亦有之

李時珍曰詳見

特生鑒石下

氣味

辛大熱有毒

別錄曰甘生溫熱

吳普曰神農岐伯云辛有毒桐君黃帝云甘有毒

甄權曰甘有小毒鉛丹爲之使惡羊血不入湯

徐之才曰得火良棘針爲之使惡馬目毒公鴛

屎虎掌細辛畏水

主治

本經曰寒熱鼠瘻蝕死肌風痺腹中堅癖邪氣

別錄曰除熱明目下氣除膈中熱止消渴益肝

氣破積聚痼冷腹痛去鼻中息肉久服令人筋力火鍊百日服一刀圭不鍊服則殺人及百獸

甄權曰除胃膈間積氣去冷濕風痺瘡癢積年者

發明

陶弘景曰常取生礬石納水令水不冰如此則生者性亦大熱矣張仲景云生用破人心肝

蘇

恭曰此藥攻擊積冷之病爲良若以餘物代之療病無效正爲此也

寇宗奭曰治久積及久病

腹冷用功直須慎用其毒不可試也

李時珍曰礬石性氣與砒石相近蓋亦其類也古方礬石

礬石常相渾書蓋二字相似故誤耳然礬石性寒無毒礬石性熱有毒不可不審陸農師云礬石之力十倍鍾乳按洪容齋隨筆云王子敬靜息帖言礬石深是可疑凡喜散者輒發癰蓋散者寒食散也古人多服之中有礬石性熱有毒故云深可疑也劉表在荊州與王粲登鄆山見一岡不生百草粲曰此必古塚其人在世服生礬石熱不出外故草木焦滅表掘之果有礬石滿塋又今洛水不冰下亦有礬石人謂之溫洛是也取此石安礬中水亦不冰文鷄伏卵取石置巢中有助溫氣其性如此豈可服予兄文安公鎮金陵秋暑減食醫者湯三益教服礬石丸已而飲啖日進遂加意服之越十月而毒作衄血斗餘自是數數不止竟至精液皆竭而死時珍竊謂洪文安之病未必是礬石毒發蓋亦因其健啖自恃厚味房勞縱恣無忌以致精竭而死夫因減食而服石食既進則病去藥當止矣而猶服之不已恃藥妄作是果藥之罪歟

附方

新

風冷脚氣白礬石煨二斤酒三斗漬三日稍稍飲之

時后方

特生礬石釋名

蘇恭曰特生礬石一名蒼礬石梁州礬石亦有青者漢中人亦以毒鼠不入方用 寇宗奭曰礬石特生礬石止是一物但以特生不特生爲異用所謂特生者不附著他石爲特爾今用者絕少李時珍曰礬石有蒼白二種而蒼者多特生故此云一名蒼礬石則別錄蒼石係重出矣其功療皆相同今併爲一

集解

別錄曰特生礬石一名蒼礬石生西域采無時又曰蒼石生西域采無時 陶弘景曰舊說鶴巢中者佳鶴常入水冷故取以壅卵令熱今不可得惟出漢中者其外形紫赤色內白如霜中央有臼狀形如齒者佳又出荊州新城郡房陵縣縹白赤者爲好亦先以黃土包燒一日亦可納斧孔中燒之今玉壺諸凡仙經不言特生止是白礬石耳 蘇恭曰陶說中如齒曰形者正是今出梁州北馬道戍澗中亦有之形塊小於白礬石而肌粒大數倍乃如小豆許其白礬粒細如粟米耳今房陵漢川均州荊州與白礬石同處有色青者是也 寇宗奭曰博物志言鶴伏卵取礬石入巢助暖方家得此石乃真陶氏以注特生礬石則二石是一物明矣但屢檢鶴巢無此石況礬石焉得處處

有之若鷓入水冷故取此石則鷓鷯之類皆食於水亦自然生化繁息此則乃俗士之言未嘗究其實而窮其理也 李時珍曰礬石有數種白礬石蒼礬石紫礬石紅皮礬石桃花礬石金星礬石

銀星礬石特生礬石俱是一物但以形色立名其性皆熱毒並可毒鼠制汞惟蒼白二色入藥用諸礬生於山則草木不生霜雪不積生於水則水不冰凍或有溫泉其氣之熱可知矣庚辛玉冊云礬陽石也生山谷水中濯出似礬有文理橫截在中者爲佳伏火制砂汞其狀頗與方解石相似但投水不冰者爲真其出金穴中者名握雪礬石

氣味

甘溫有毒

徐之才曰火煉之良畏水

主治

別錄曰明目利耳腹內絕寒破堅結及鼠瘻殺百蟲惡獸久服延年

甄權曰蒼石主寒熱下氣

瘰癧殺禽獸

發明

李時珍曰別錄言礬石久服令人筋攣特生礬石久服延年丹書亦云礬石化爲水能伏水銀煉入長生藥此皆方士謬說也與服礬石求長生之義同其死而無悔者乎

握雪礬石集解

蘇恭曰握雪礬石出徐州宋里山入土丈餘於爛土石間得之細散如麵黃白色土人號爲握雪礬石一名化光石一名石腦云服之長生 李時珍曰謹按獨孤滔丹房鑑源云握雪礬石出曲灘澤盛寒時有髓生於石上可采一分結汞十兩又按南宮從响嘯神書云石液卽丹礬之脂液也此石出襄陽曲灘澤中或在水色白而粗糯至冬月有脂液出其上旦則見日而伏當于日未出時以銅刀刮至器內火鍛通赤取出楮汁爲丸其液沾處便如鐵色以液一銖制水銀四兩器中火之立乾但此液亦不多有乃神祇所惜采時須用白鷄清酒祭之此石華山嵩山皆出而有脂液者惟此曲灘又熊太古冀越集亦言丹山礬十兩可乾汞十兩此乃人格物之精發天地之祕也據三書所引則握雪礬石乃石之液非土中石腦也蘇恭所說白是石腦其說與別錄及陶弘景所注石腦相合不當復注于此又按諸書或作礬石或作礬石未知孰是古書二字每每訛渾以理推之

似是礬石礬石有毒礬石無毒故也

氣味

甘溫無毒

主治

唐本曰痼冷積聚輕身延年多食令人熱

李時珍曰治大風瘡

礬石釋名

李時珍曰礬性猛如貔故名惟出信州故人呼爲信石而又隱信字爲人言

集解

蘇頌曰礬霜不著所出郡縣今近銅山處亦有之惟信州者佳其塊有甚大者色如鵝子黃明徹不雜此類本處自是難得之物一兩大塊真者人競作之不啻千金古服食方中亦載用之必得此類乃可入藥其市肆所蓄片如細屑亦夾土石入藥服之爲害不淺

陳承曰信州玉山有礬井官

中封禁甚嚴生不夾石者色赤甚於雄黃以冷水磨解熱毒近火卽殺人所謂不啻金價者此也今

市貨者取山中夾砂石者燒烟飛作白霜乃碎屑而芒刺其傷火多者塊大而微黃所謂如鴉子色明徹者此也古方並不入藥惟燒煉丹石家用之近人多以治瘡但以瘡本傷暑而此物生者能解熱毒也今俗醫不究其理卽以所燒霜服之必大吐下因此幸有安者遂爲所損極多不可不慎初燒霜時人在上風十餘丈外立下風所近草木皆死又以和飯毒鼠死鼠猫犬食之亦死毒過於射罔達矣衡山所出一種力差劣於信州者 寇宗奭曰今信鑿坑井下取之其坑常封鎖坑中有

濁綠水先絞水盡然後下鑿取生砒謂之砒黃色如牛肉或有淡白路謂石非石謂土非土磨酒飲治積裁有火便有毒不可造次服也取法將生砒就置火上以器覆之令煙上飛著器凝結纍然下垂如乳尖者入藥爲勝平短者次之大塊乃是下等片如細屑者極下也 李時珍曰此乃錫之

苗故新錫器盛酒日久能殺人者爲有砒毒也生砒黃以赤色者爲良熟砒霜以白色者爲良

修治

雷斅曰凡使用以小瓷瓶盛後入紫背天葵石龍芮二味火煨從巳至申便用甘草水浸從申至子出拭乾入瓶再煨別研三萬下用 李時珍曰草家皆言生砒輕見火則毒甚而雷氏治法用火

煨今所用多是飛鍊者蓋皆欲求速效不惜其毒也曷若用生者爲愈乎

氣味

苦酸暖有毒

李時珍曰辛酸大熱有大毒

大明曰畏綠豆冷水凡入藥醋煮殺毒用

土宿真君曰砒石用草制鍊出金花成汁化銅乾汞青鹽鶴頂草消石蒜水蓼常山益母獨帚木律
菖蒲三角酸鵝不食草波稜蒿莖皆能伏砒

主治

大明曰砒黃治瘧疾腎氣帶之辟蚤虱

陳承曰冷水磨服解熱毒治痰壅

寇宗奭曰磨服

治癖積氣

李時珍曰除齁喘積痢爛肉蝕瘀腐瘰癧

開寶曰砒霜療諸瘧風痰在胃膈可

作吐藥不可久服傷人

大明曰治婦人血氣衝心痛落胎

李時珍曰蝕癰疽敗肉枯痔殺

蟲殺人及禽獸

發明

寇宗奭曰砒霜瘧家用或過劑則吐瀉兼作須煎綠豆汁兼冷水飲之

徐純曰瘧丹多用砒霜

大毒之藥本草謂主諸瘧風疾在胃膈可作吐藥蓋以性之至烈大能燥痰也雖有燥痰之功大傷胃氣脾胃虛者切宜戒之

李時珍曰砒乃大熱大毒之藥而砒霜之毒尤烈鼠雀食少許卽死貓犬食鼠雀亦殆人服至一錢許亦死雖鉤吻射罔之力不過如此而宋人著本草不甚言其毒何哉此亦古者鑒石之一種也若得酒及燒酒則腐爛腸胃頃刻殺人雖綠豆冷水亦難解矣今之收瓶酒者往往以砒煙熏瓶則酒不壞其亦嗜利不仁者哉飲食潛受其毒者徒歸咎於酒耳此物不入湯飲惟入丹丸凡痰瘧及齁喘用此真有劫病立地之效但須冷水吞之不可飲食杯勺之物靜臥一日或一夜亦不作吐少物引發卽作吐也其燥烈純熱之性與燒酒焰硝同氣寒疾濕痰被其劫掠怫鬱頓開故也今煙火家用少許則炮聲更大急烈之性可知矣此藥亦止宜於山野藜藿之人若嗜酒膏粱者非其所宜疾亦再作不慎口慾故爾凡頭瘡及諸瘡見血者不可用此其毒入經必殺人李樓奇方云一婦病心痛數年不愈一醫用人言半分茶末一分白湯調下吐瘀血一塊而愈得日華子治婦人血氣心痛之旨乎

附方

舊五
新十

中風痰壅四肢不收昏憤若醉砒霜如綠豆大研新汲水調下少許以熱水投之大吐卽愈未吐再

服聖惠方

寒熱瘧疾孫真人祕寶方用信砒二兩研粉寒水石三兩別搗末用生鐵銚一箇鋪石

末後鋪砒在上又以石末蓋之厚蓋覆定酢糊紙條密封十餘重炭火一斤鍛之待紙條黑時取出候冷刮盡上砒末乳細粟米飯丸綠豆大辰砂爲衣每用三四丸小兒一二丸發日早以臘茶清下一日不得食熱物男人患女人著藥入口中女人患男人著藥入口中 本事方用人言一錢菴

豆末一兩爲末無根井水丸菴豆大黃丹爲衣陰乾發日五更冷水下五七丸 衛生寶鑑一剪

金用人言酢煮硫黃菴豆等分爲末每一豆許用紅絹包之采絲札定每剪下一粒新汲水空心吞下治瘧聖藥也 醫壘元戎九轉靈砂丹用砒霜黃丹紫河車各一錢爲末雄黑豆一百粒水浸

一夜研泥和丸梧子菴豆黍米三樣大每服一十二丸發日五更向東無根水下紫河車菴豆黑豆皆解砒毒也 本草權度不二散用砒一錢麴二兩和勻香油一斤煎黃色以草紙壓去油入茶

三兩爲末每服一錢發日早冷茶下 一切積痢砒霜黃丹等分蠟和收旋丸菴豆大每米飲下

三丸濟普方

休息下痢經一二年不瘥羸瘦衰弱砒霜成塊者爲末黃丹各半兩化蠟入砒以柳

條攪焦則換至七條取起收之每旋丸梧子大冷水送下小兒黍米大

和劑局方

脾疼腰痛卽上方

用冷水下

婦人血氣心痛方見發明下

走馬牙疳惡瘡砒石銅綠等分爲末攤紙上貼之

其效如神

又方砒霜半兩酢調如糊盥內盛待乾刮下用粟米大絲裹安齒縫來日取出有蟲

自死久患者不過三日卽愈

普濟方

項上瘰癧梁州砒黃研末濃墨汁丸梧子大銚內炒乾竹筒

盛之每用針破將藥半丸貼之自落蝕盡爲度

靈苑方

痰喘齁齕方見穀部豉下

一切漏瘡

有孔用信石新瓦火鍛研末以津調少許於紙撚上插入蝕去惡管漏多勿齊上最妙

救急易方

金星石集解

附銀星石

蘇頌曰金星石銀星石並出濠州并州采無時二石主療大體相似

寇宗奭曰二石治大風疾

別有法須燒用之金星石生於蒼石內外有金色麩片銀星石有銀色麩片又一種深青色堅潤中

有金色如麩片者不入藥用工人礪爲器或婦人首飾用

李時珍曰金星有數種蘇頌所說二

石武當山亦有之或云金星出膠東銀星出鴈門蓋亦礪石之類也寇宗奭所說二石治大風者今

考聖惠方大風門皆作金星礪石銀星礪石則似是礪石之類丹方鑑源礪石篇中亦載二石名似

與蘇說者不同且金星銀星無毒主熱涎血病鑒石則有毒主風癩疾觀此則金星銀星入藥各有二種矣又歙州硯石亦有金星銀星者瓊州亦出金星石皆可作硯翡翠石能屑金亦名金星石此皆名同物異也劉河間宣明方點眼藥方中用金精石銀精石不知卽此金星銀星否也

氣味

甘寒無毒

主治

嘉祐曰脾肺壅毒及肺損吐血嗽血下熱涎解衆毒 李時珍曰水磨少許服鎮心神不寧亦治

骨哽

附方 新二

吐血嗽血肺損者金星石銀星石元精石不灰木陽起石雲母石等分用坩鍋一箇鋪冬月水牛糞一二寸鋪藥一層鋪灰二寸又藥一層重重如此以灰蓋之鹽泥固濟用炭一秤火煨一日夜埋土中一夜取出藥塊去灰爲末每一兩入龍腦麝香各半錢阿膠二錢半炒每服一錢糯米湯下日三

服聖惠方

大風蟲瘡有五色蟲取下諸石丸用金星礬石銀星礬石雲母石禹餘糧石滑石陽起石慈石凝水石密陀僧自然銅龍涎石等分搗碎瓶盛鹽泥固濟之炭火十五斤煨過爲末酢糊丸小豆大每服十五丸白花蛇酒下一日三服以愈爲度

太平聖惠方

附錄金石

陳藏器曰味甘溫無毒主久羸瘦不能食無顏色補腰脚冷令人健壯益陽有暴熱脫髮飛鍊服之生五臺山清涼寺石中金屑作赤褐色也

婆娑石釋名

李時珍曰西溪叢話云舶船過產石山下愛其石以手捫之故曰摩挲不知然否

集解

馬志曰婆娑石生南海胡人採得之其石綠色無斑點有金星磨成乳汁者爲上又有豆斑石雖亦解毒而功力不及復有鄂綠有文理磨鐵成銅色人多以此爲之非真也驗法以水磨點雞冠熱血皆化成水是也 寇宗奭曰石如淡色石綠間微有金星者佳又有豆斑石亦如此石但有黑斑

點無金星

蘇頌曰胡人尤珍貴之以金裝飾作指彊帶之每欲食及食罷輒含吮數次以防毒
今人有得指面許塊則價值百金也 李時珍曰庚辛玉冊云摩挲石陽石也出三佛齊海南有
山五色聳峙其石有光焰其水下滾如箭船過其下人以刀斧擊取燒之作硫黃氣以形如黃龍齒
而堅重者爲佳匱五金伏三黃制鉛汞

氣味

甘淡寒無毒

主治

開寶曰解一切藥毒瘡疫熱悶頭痛

礞石釋名

李時珍曰其色濛濛然故名

集解

李時珍曰礞石江北諸山往往有之以盱山出者爲佳有青白二種以青者爲佳堅細而青黑打開

中有白星點煨後則星黃如麩金其無星點者不入藥用通城縣一山產之工人以爲器物

修治

李時珍曰用大坩鍋一箇以礞石四兩打碎入消石四兩拌勻炭火十五斤簇定煨至消盡其石色如金爲度取出研末水飛去消毒曬乾用

氣味

甘鹹平無毒

主治

嘉祐曰食積不消留滯臟腑宿食癥塊久不瘥小兒食積羸瘦婦人積年食癥攻刺心腹得巴豆礞砂大黃荆三稜作丸服良
李時珍曰治積痰驚癇欬喘急

發明

李時珍曰青礞石氣平味鹹其性下行陰也沉也乃厥陰之藥肝經風木太過來制脾土氣不運化積滯生痰壅塞上中二焦變生風熱諸病故宜此藥重墜制以消石其性疎快使木平氣下而痰積